



ხელშეკრულება სახელმწიფო შესყიდვის შესახებ N 14/03/18

ქ.თბილისი

21 მარტი 2018 წ.

1. ხელშეკრულების მხარეები:

1.1. „შემსყიდველი“:

სსიპ „საგანგებო სიტუაციების კოორდინაციისა და გადაუდებელი დახმარების ცენტრი“ (ს/კ: 205307960)

დირექტორი - ავთანდილ თალაკვაძე

წარმომადგენელი (ხელმომწერი პირი):

1.2. „მიმწოდებელი“:

შპს „ადა“ (ს/კ: 405027830)

წარმომადგენელი (ხელმომწერი პირი):

დირექტორი - გიორგი ღულუნიშვილი

2. „სახელმწიფო შესყიდვების შესახებ“ საქართველოს კანონის მე-3 მუხლის 1 პუნქტის „ს“ ქვეპუნქტის, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“, სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანების მე-2 მუხლის „ა“ პუნქტის საფუძველზე, მხარეთა შორის მიღწეული შეთანხმების გათვალისწინებით, ვდებთ წინამდებარე ხელშეკრულებას შემდეგზე:

3. ხელშეკრულების საგანი

3.1. ხელშეკრულების საგანს წარმოადგენს სსიპ „საგანგებო სიტუაციების კოორდინაციისა და გადაუდებელი დახმარების ცენტრის“ პერსონალური კომპიუტერების განახლებისა და გამართულად მუშაობისათვის საჭირო ქულერებისა და თერმოპასტის (შემდგომში „შესყიდვის ობიექტი“ ან/და „საქონელი“) შესყიდვა, წინამდებარე ხელშეკრულების პირობებისა და ქვემოთ მოცემულ ფასების ცხრილში გათვალისწინებული მონაცემების შესაბამისად, გამარტივებული შესყიდვის საშუალებით.

ფასების ცხრილი

N	დასახელება	CPV	ერთეული	რაოდენობა	ერთ. ღირებულება	თანხა
1	თერმოპასტა 30g Heatsink Compound	30237300	ცალი	1	10	10
2	ქულერი CK-11508 (LGA:1156,1155,1151,1150)	30237100	ცალი	5	10	50
						60.00

4. ხელშეკრულების ღირებულება

4.1. შესყიდვის ობიექტის ჯამური ღირებულება შეადგენს 60 (სამოცი) ლარს, რაც მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ „მიმწოდებლის“ ყველა ხარჯს და საქართველოს კანონმდებლობით გათვალისწინებულ გადასახადებს.

5. შესყიდვის ობიექტის ხარისხი და გარანტია

5.1. „მიმწოდებელი“ იძლევა გარანტიას, რომ მიწოდებული შესყიდვის ობიექტი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. შესყიდვის ობიექტი უნდა იყოს ახალი, ნაკლოვანებების გარეშე, ასევე „მიმწოდებელი“ იღებს პასუხისმგებლობას მისი წარმოშობის კანონიერებაზე.

6. შესყიდვის ობიექტის მიწოდების პირობები

6.1. „საქონელი“ მიღებულად ჩაითვლება მხოლოდ მხარეებს შორის მიღება-ჩაბარების აქტ(ებ)ის გაფორმების შემდეგ, „შემსყიდველის“ მოთხოვნის შესაბამისად, ერთჯერადად, 2018 წლის 21 მარტიდან არაუგვიანეს 2018 წლის 26 მარტის ჩათვლით.

6.2. ხელშეკრულების თანახმად, „საქონლის“ მიწოდების ადგილად განსაზღვრულია: საქართველო, ქ. თბილისი, აკ. წერეთლის გამზ. N117.

6.3. შესყიდვის მიწოდების პარალელურად, „მიმწოდებელი“ ვალდებულია უზრუნველყოს თანმხლები დოკუმენტაციის წარდგენა „შემსყიდველისთვის“ (საგადასახადო ანგარიშფაქტურა ან კანონმდებლობით დაშვებული სხვა დოკუმენტი).

7. შესყიდვის ობიექტის მიღება-ჩაბარების წესი

7.1. „საქონელი“ ჩაითვლება მიღებულად მხოლოდ მიღება-ჩაბარების აქტ(ებ)ის გაფორმების შემდეგ.

7.2. ხელშეკრულების ობიექტის მიღება-ჩაბარების აქტ(ებ)ს გაფორმებას ახორციელებენ „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლები, რომლებიც შესყიდვის ობიექტის მიღების შედეგების მიხედვით აფორმებენ მიღება-ჩაბარების აქტ(ებ)ს 3 (სამი) ეგზემპლარად.

7.3. „შემსყიდველის“ მხრიდან მიღება-ჩაბარების აქტ(ებ)ზე ხელმომწერი უფლებამოსილი პირია: ლოგისტიკის დეპარტამენტის ინფორმაციული ტექნოლოგიების სამმართველოს შტატგარეშე თანამშრომელი ვახტანგ გაბელია (პ/ნ:1008040907)

8. ანგარიშსწორების ფორმა და წესი

8.1. ანგარიშსწორება „მიმწოდებელთან“ განხორციელდება უნაღდო ანგარიშსწორების ფორმით ეროვნულ ვალუტაში (ლარი), „მიმწოდებლის“ ანგარიშზე თანხის გადარიცხვის გზით.



8.2. ანგარიშსწორებას „შემსყიდველი“ განახორციელებს ფაქტობრივად მიღებული შესყიდვის ობიექტის რაოდენობის გათვალისწინებით შესაბამისი ანგარიშ-ფაქტურისა და მიღება-ჩაბარების აქტ(ებ)ის წარდგენიდან არაუგვიანეს 10 (ათი) სამუშაო დღის განმავლობაში.

9. მხარეთა უფლება-მოვალეობანი

9.1. „შემსყიდველი“ ვალდებულია:

9.1.1. უზრუნველყოს მისთვის გადაცემული შესყიდვის ობიექტის შესაბამისი ანაზღაურების გადახდა „მიმწოდებლისთვის“ წინამდებარე ხელშეკრულების პირობათა სრული დაცვით.

9.1.2. შესყიდვის ობიექტის მიწოდებისთანავე გააფორმოს მიღება-ჩაბარების აქტ(ებ)ი.

9.2. „შემსყიდველი“ უფლებამოსილია:

9.2.1. მოსთხოვოს „მიმწოდებელს“ უფლებრივად და ნივთობრივად უნაკლო ობიექტის მიწოდება წინამდებარე ხელშეკრულებით დადგენილი ოდენობით და ვადაში.

9.2.2. „მიმწოდებლის“ მიერ წინამდებარე ხელშეკრულებით გათვალისწინებულ პირობათა შეუსრულებლობის შემთხვევაში, შეწყვიტოს ხელშეკრულება.

9.2.3. თვითონ ან მოწვეული ექსპერტების მეშვეობით, დაუბრკოლებლად განახორციელოს „მიმწოდებლის“ მიერ გადაცემული შესყიდვის ობიექტის ხარისხის შემოწმება.

9.2.4. მოსთხოვოს „მიმწოდებელს“ შესყიდვის ობიექტის გადაცემის შესახებ შესაბამისი მიღება-ჩაბარების აქტ(ებ)ის გაფორმება.

9.3. „მიმწოდებელი“ ვალდებულია:

9.3.1. მიაწოდოს „შემსყიდველს“ უფლებრივად და ნივთობრივად უნაკლო შესყიდვის ობიექტი წინამდებარე ხელშეკრულებით დადგენილი ოდენობით და ამავე ხელშეკრულებით დადგენილ ვადაში.

9.3.2. წინამდებარე ხელშეკრულების მოქმედების პერიოდში წარუდგინოს „შემსყიდველს“ შესყიდვის ობიექტთან დაკავშირებით ნებისმიერი სახის ინფორმაცია და დოკუმენტები.

9.3.3. საკუთარი ხარჯებით უზრუნველყოს „შემსყიდველის“ მიერ გამოვლენილი შესყიდვის ობიექტის მდგომარეობასთან დაკავშირებული ყველა ნაკლის აღმოფხვრა.

9.3.4. შესყიდვის ობიექტის მიწოდებასთან დაკავშირებით, მოთხოვნის შემთხვევაში, წარუდგინოს „შემსყიდველს“ მიწოდებული შესყიდვის ობიექტის შესახებ შესაბამისი პირველადი დოკუმენტაციის ასლები და ანგარიში, რის შემდეგ მხარეები გააფორმებენ შესაბამის მიღება-ჩაბარების აქტ(ებ)ს.

9.3.5. დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობის ან/და ხელისშემშლელი პირობების შესახებ.

9.3.6. წინამდებარე ხელშეკრულების პერიოდში სუბკონტრაქტების გაფორმების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად.

9.4. „მიმწოდებელი“ უფლებამოსილია:

9.4.1. მოსთხოვოს „შემსყიდველს“ ამ ხელშეკრულებით გათვალისწინებული ვალდებულებების სრულად და დროულად შესრულება.

10. უფლებების გადაცემა

10.1. „მიმწოდებელს“ უფლება არ აქვს მთლიანად ან ნაწილობრივ, „შემსყიდველის“ წერილობითი თანხმობის გარეშე, გადასცეს მესამე პირს ამ ხელშეკრულებით მისთვის მინიჭებული უფლება-მოვალეობანი.

11. ხელშეკრულების გადასინჯვის აუცილებლობა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების საერთო ღირებულების 10%-ზე მეტი ოდენობით გაზრდა.

12. ხელშეკრულებაში ცვლილებების შეტანა

12.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი მხარე ვალდებულია წერილობითი ფორმით მიაწოდოს მეორე მხარეს შესაბამისი ინფორმაცია. ამავე დროს, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

13. შეტყობინება

13.1. ნებისმიერი შეტყობინება, მხარეებს გაეგზავნებათ, წინამდებარე ხელშეკრულებაში მითითებულ მისამართებზე.



14. ხელშეკრულების შესრულების შეფერხება

14.1. ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროდან შესრულების საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. ხოლო შეტყობინების მიმღები მხარე თავის მხრივ დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

14.2. იმ შემთხვევაში თუკი ხელშეკრულების პირობების შეფერხების გამო მხარეები თანხმდებიან ხელშეკრულების მოქმედების ვადის გაგრძელებაზე, აღნიშნული გადაწყვეტილება უნდა გაფორმდეს ხელშეკრულებაში ცვლილების შეტანის სახით, რომელიც ჩაითვლება ხელშეკრულების განუყოფელ ნაწილად.

15. ხელშეკრულების პირობების შეუსრულებლობა

15.1. ხელშეკრულებით გათვალისწინებული ვადების დარღვევისათვის მხარეები პირგასამტეხლოს სახით გადაიხდიან სახელშეკრულებო ღირებულების 0.02%-ს ყოველ ვადაგადაცილებულ დღეზე.

15.2. პირგასამტეხლოს გადახდა უნდა განხორციელდეს მხარის მიერ მეორე მხარისადმი გაგზავნილ შესაბამის წერილში მითითებული ვადიდან არაუგვიანეს 10 (ათი) სამუშაო დღის განმავლობაში.

15.3. საჯარიმო სანქციების გადახდა „მხარეებს“ არ ათავისუფლებს ძირითადი ვალდებულებების შესრულებისაგან.

15.4. იმ შემთხვევაში თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს „ხელშეკრულების“ ღირებულების 10%-ს, „შემსყიდველი“ უფლებამოსილია შეწყვიტოს „ხელშეკრულება“ და მოსთხოვოს „მიმწოდებელს“ შესაბამისი ზარალის ანაზღაურება.

15.5. პირგასამტეხლოს გადახდა არ ათავისუფლებს მხარეებს ნაკისრი ვალდებულებების შესრულებისაგან.

16. ხელშეკრულების მოქმედების შეწყვეტა

16.1. მხარის მიერ ნაკისრ ვალდებულებათა შეუსრულებლობის გამო, მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.

16.2. ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 1 (ერთი) კვირით ადრე მაინც, ამასთან, მითითებული უნდა იყოს მიღებული გადაწყვეტილების საფუძველი და მისი მოქმედების ვადა.

16.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

16.4. მხარეთა შორის გაფორმებული საბოლოო მიღება-ჩაბარების აქტ(ებ)ი წარმოადგენს ხელშეკრულების მოქმედების შეწყვეტის საფუძველს, თუ ხელშეკრულებით ან/და მხარეთა შორის წერილობით გაფორმებული შეთანხმებით სხვა რამ არაა გათვალისწინებული.

17. ფორს-მაჟორი

17.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ აღნიშნული გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

17.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

17.3. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

17.4. მხარე რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

18. დავების გადაწყვეტის წესი

18.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყდეს მოლაპარაკების საფუძველზე.

18.2. შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

19. ხელშეკრულების ინსპექტირების პირობები

19.1. „შემსყიდველს“ ან მის წარმომადგენელს, უფლება აქვთ ხელშეკრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

19.2. ხელშეკრულების კონტროლს ახორციელებს „შემსყიდველის“ მიერ განსაზღვრული უფლებამოსილი პირ(ებ)ი .

19.3. ინსპექტირება განხორციელდება წარმოქმნილი საჭიროებიდან გამომდინარე.

19.4. „შემსყიდველი“ უფლებამოსილია განახორციელოს ხელშეკრულებით ნაკისრ ვალდებულებათა შესრულების, აგრეთვე მიღებული შესყიდვის ობიექტის ხარისხის, რაოდენობის, შენახვის და მიწოდების ვადების კონტროლი.

19.5. „მიმწოდებელი“ ვალდებულია შესყიდვის ობიექტის მიწოდების განხორციელების დროს ინსპექტირების განმახორციელებელ პირ(ებ)ს შემოწმების პროცესში აღმოუჩინოს ხელშეწყობა, არ შეუქმნას ხელისშემშლელი პირობები და წარუდგინოს შესყიდვის ობიექტის მიწოდებასთან დაკავშირებით ნებისმიერი სახის ინფორმაცია და დოკუმენტები.

20. დასკვნითი დებულებანი

20.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

20.2. ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან რეპუტაციას და ღირსებას.



20.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

20.4. ხელშეკრულების მხარეებს არა აქვთ უფლება გააკეთონ განცხადება, მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების შესახებ და ა.შ. თუ წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.

20.5. ხელშეკრულების დებულებებში ცვლილებების ან დამატების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.

20.6. ხელშეკრულება ძალაში შედის მისი ხელმოწერის მომენტიდან და მოქმედებს 2018 წლის 30 აპრილის ჩათვლით.

20.7. წინამდებარე ხელშეკრულება შედგენილია 3 (სამი) თანაბარი ძალის მქონე ეგზემპლარად (4 გვერდზე), ორი ეგზემპლარი ინახება „შემსყიდველთან“, ერთი – „მიმწოდებელთან“.

21. მხარეთა რეკვიზიტები:

“შემსყიდველი”

სსიპ „საგანგებო სიტუაციების კოორდინაციისა და გადაუდებელი დახმარების ცენტრი“

ს/კ: 205307960

იურიდიული მისამართი:

ქ.თბილისი, აკ.წერეთლის გამზ.#144

ფაქტიური მისამართი:

ქ.თბილისი, აკ.წერეთლის გამზ. #117

დაფინანსების წყარო:

საკუთარი შემოსავლები;

საბანკო რეკვიზიტები:

ხაზინის ერთიანი ანგარიში

ბანკის კოდი - TRESGE22

შიდა ანგარიში - 200122900

სახაზინო კოდი - 350106

“მიმწოდებელი”

შპს „ადა“

ს/კ: 405027830

იურიდიული მისამართი: საქართველო, ქ. თბილისის, ვაკე-საბურთალოს რაიონში, ს. დიდოში

საბანკო რეკვიზიტები:

სს „საქართველოს ბანკი“

ბ/კ BAGAGE22

ა/ა GE82BG0000000626529900

ათანდოვ თალაკვაძე



გიორგი დუდუნაშვილი

ვიზირებულია:

გ. ტარულიშვილი

ა. შეყილაძე

ვ. ჭანიშვილი

გ. თოფურია

გ. აბულაძე

გ. ხახუბია

ნ. გამრეკელი

შემსრულებელი:

რ. სახელაშვილი

Handwritten signatures of the listed officials